

Landbruks- og matdepartementet
Postboks 8007 Dep

0030 OSLO

Saksnr.: 01/01663-016
Arkivkode: V12
Avd/Saksh: LØ
Dykkar ref:

DALE 03.05.2007

MELDING OM VEDTAK - VEDTEKTER VAKSDAL LANDBRUKSFOND

Kommunestyret handsama i møte 23.04.2007 sak 0008/07.

Følgjande vedtak vart fatta:

Framlegg til reviderte Vedtekter for Vaksdal landbruksfond.

§ 1 Heimel og kapital

Heimelen for landbruksfondet er Kongeleg resolusjon av 25.02.1983 og gjeld Eksingedalsvassdraget/ Leirovassdraget Myster kraftverk. Grunnkapitalen var 1 000 000,- ved oppretting av fondet i 1985. Pr 31.12.2006 var grunnkapitalen kr 1 906 283,- grunna årleg auke tilsvarende konsumprisindeksen. Dei fem neste åra, frå 01.01.2007 til 31.12.2011, skal grunnkapitalen haldast på 1 906 283,-. Frå og med 01.01.2012 skal grunnkapitalen aukast att årleg tilsvarende konsumprisindeksen. Kapital ut over grunnkapitalen; frie fondsmidlar, kan delast ut som tilskot.

§ 2 Føremål

Fondet skal nyttast til fremjing av landbruket i kommunen. Alle næringsdrivande, lag og organisasjonar i landbruket kan få hjelp av fondet til investeringar.

§ 3 Budsjett og rekneskap

Budsjett og rekneskap for fondet, for inntekter av fondsmidlane og for bruk av fondet, vert lagt til det budsjett og den rekneskap som kommunen fører og skal vera i samsvar med føresegnene for dette.

Kvart år skal det leggjast fram for kommunestyret ei melding om fondet si verksemd.

§ 4 Fondsstyre

Kommunestyret oppnemner eit fondsstyre på 3 personer med 3 personlege vararepresentantar for 4 år om gongen. Det bør utnemnast:

- ein politisk representant
- ein representant frå landbruksnæringa
- ein representant frå den kommunale landbruksforvaltninga.

Fondsstyret skal handsama søknader som kjem inn under desse vedtektene, og skal koma med tilråding til kommunestyret som gjer vedtak.

§ 5 Bruk

1 Lån og garanti for lån

Av grunnkapitalen kan det i særlege høve ytast lån eller garanti for lån til felles utviklingstiltak innan landbruket.

2 Tilskot

Av fondet si avkastning kan det ytast tilskot til fellestiltak og einskildpersonar for:

- styrking av kommunale tilskot retta direkte mot landbruksnæringa.
- driftsbygningar i landbruket
- tilleggsnæringar knytt til landbruk, til foredling av varer med basis i landbruket og til andre investeringar som vil betre grunnlaget for landbruksdrift i kommunen.

Tilskot har slike avgrensingar og gjeld eigar/ søkjar sin netto dokumenterte kostnad:

	<u>Individuelle tiltak</u>	<u>Fellestiltak</u>
Driftsbygning	10 %	15 %
Maskiner og reiskap	0	35 % (maskinringar)
Tilleggsnæringar	10 %	20 %

Presiseringar:

Vilkår for å få tilskot er at det er/vert drift på bruket. Omsetninga frå produksjon eller foredling av landbruksvarer må vera/verta minst kr 30 000 pr. år.

Døme:

Ein bonde som oppfyller minstekravet til landbruksrelatert omsetning kan få tilskot til kva som helst tilleggsnæring, dersom det styrkjer grunnlaget for landbruksdrift på bruket eller i kommunen. (gjev inntekt)

Ein person som eig og bur på ein gard som ikkje har landbruksrelatert omsetning, kan berre få tilskot til investeringar som gjeld produksjon eller foredling av landbruksvarer.

Til driftsbygningar kan det berre gjevast tilskot til nyinvesteringar, ikkje til vedlikehald.

Som driftsbygning reknar ein husdyrrom, mjølkerom, fôrrom/fôrlager og gjødsellager.

Døme på tiltak som ikkje kan få tilskot:

- reiskapshus, garasjar, naust og andre lagerbygningar (unntak for maskinringar)
- nybygg av hytter til utleige eller opprusting av eldre bustadhus med formål utleige
- bygging av minikraftverk
- sagbruk

3 Forskottering

Frie fondsmidlar kan nyttast til forskottering av kapitalkrevjande tiltak som vert finansiert av offentlege tilskot.

§ 6 Forvalting

Fondet sine midlar vert plassert på renteberande konto i bank, i pant- og ihendehavarobligasjonar eller på annan trygg måte.

Fondsstyret ser til at kapitalen gjev ei forsvarleg renteavkastning samstundes som naudsynt kapital må kunna nyttast på kort varsel.

Grunnkapitalen skal vera 1 906 283,- frå 01.01.2007 til 31.12.2011. Frå 01.01.2012 skal grunnkapitalen i fondet kvart år tilleggast den del av den årlege avkastinga som svarar til auken i konsumprisindeksen, slik denne er rekna ut av Statistisk sentralbyrå.

Renter og avdrag skal først attende til fondet.

Kommunekasseraren har arbeidet med rekneskapsføringa og gjev årleg oppgåve over storleiken av fondet og avkastinga.

§ 7 Handsaming av søknader til fondet

Søknadsfrist er 1. desember.

Fondsstyret med landbrukskontoret som sekretariat har det daglege arbeidet som vedkjem søknader m.m.

Fondsstyret gjev innstilling og kommunestyret gjer endeleg vedtak.

Innkomne søknader skal handsamast innan utgangen av januar kvart år.

§ 8 Vedtektsendingar


Vedtektene kan endrast etter vedtak av kommunestyret.

Vedtaket treng godkjenning av landbruksdepartementet.

Vedtektene vert å senda Fylkesmannen til orientering.

Dei reviderte vedtektene skal gjelda frå det tidspunktet dei er godkjend av departementet.

Rett utskrift:


Stig Gunnar Røthe
Rådmann

Kopi til:

Fylkesmannen i Hordaland, Landbruksavdelinga

✓ Fagkonsulent landbruk

